

重修涪州志

卷十三
之十四

重修涪州志卷十三

武備志

營制

兵額

器械

郵驛

塘房

兵燹

營制

駐防把總一員

明設衛千戶一員百戶二員操兵五百名隸之守道國朝設守備一員千

總一員把總二員操兵三百名駐防守禦康熙四十年奉文移守備駐忠州改設把總一員

俸薪

把總俸銀肆拾伍兩肆錢陸分肆釐

把總養廉銀玖拾兩

戰糧拾分餉銀貳百零肆兩

守糧叁拾貳分餉銀肆百玖拾一兩陸錢

原設哨船守糧陸分餉銀捌拾捌兩捌錢

新添哨船守糧玖分餉銀壹百叁拾叁兩叁錢

兵額 弓箭兵丁肆名 鳥鎗兵丁叁拾捌名 原設

哨船兵丁拾名 新添哨船兵丁拾五名

軍器 鳥鎗叁拾捌桿 弓箭撒袋四副 盔甲四十

貳副 號衣帽四十二副 大旗一桿 小旗五桿

紅旗一桿 原設哨船二隻 新添哨船三隻

附滇髮兩逆之警閣邑捐置軍火器械

咸豐十一年新添軍火局軍器 在文廟近側

火藥二十九缸

每缸淨重二百七十五觔
共計七千九百七十五觔

火藥兩木桶

每桶連皮六十二觔
共計一百二十四觔

鉛彈

篋包木桶共陸拾五件連皮共重柒千貳百玖拾貳鎰

火繩六千盤

大劈山礮柒拾尊

小劈山礮叁拾陸尊

鑽子礮

四尊

抬鎗五拾二桿

營鎗四百五十三桿

牛

角槎九十把

布火蛋一千零十箇

鐵沙子十六

包一小木桶

鐵釘脚五百七十根

鐵噴筒拾六

桿 鐵鎗二十五箇

細圓火蛋三小隻

以上存軍火局

存汛庫軍器咸豐十一年

新添

大劈山礮三十五尊

小劈山礮四十五尊

鑽子礮六尊

抬鎗五桿

存城隍廟軍器咸豐十一年

新添 號衣一千八百七

十件

號帽一千二百一十頂

營官藍布帳棚一

頂 白布新帳棚陸拾五頂 白布舊帳棚貳百五
拾四頂 鑼鍋五拾口 戰鼓捌面 戰鑼柒面
透心鐵茅壹千零貳拾根 順刀四百貳拾把 人
小旗幟叁百柒拾首 督陣令旗捌拾首 火藥皮
包五拾箇 藤牌號衣叁拾件 大小鐵槎柒拾貳
把 礮礮四拾架

郵驛

宋重慶遞運所涪州龍溪驛蘭市驛涪陵驛東青驛

元

蘭市驛

州西六十里開慶元年蒙古主蒙哥攻合州
命其將造浮橋於涪州之蘭市以杜援兵今

爲蘭市
水驛

涪陵驛 在州治東濱江水驛也

青水驛 州東六十里

白馬驛 九域志涪陵縣有白馬驛

國朝

塘房 土主廟 冷水關 謝石壩 底塘 涼水舖

燈盞舖 木根舖 闖天舖 白菓舖 火爐舖

沙臺舖 木棕舖 武隆 郭祥舖 上堡塘 以上

陸塘 李渡鎮 韓公沱 黃谷壩 平西壩 守經

溪 以上水塘

右水陸塘共二十所烟燉哨樓柵欄俱全

舖司 底塘舖 雙廟舖 白巖舖 燈盞舖 闌天

舖 火爐舖 木棕舖 沙溪舖 青龍舖 白菓

舖 綠竹舖 沙臺舖 木根舖 涼水舖

右共十四舖每舖兵二名總計二十八名每名月

支工食銀伍錢連閨加增共壹百捌拾貳兩

兵燹

周 戰國 楚威王使莊蹻將兵循涪陵江上畧巴郡黔中

以西

戰國 秦司馬錯自巴涪水取定商於之地爲黔中郡

於二
作淤

漢武帝時使發南夷兵征南越且蘭不從乃反漢發巴蜀校尉擊破之遂平南夷爲牂牁郡樂史註云今涪州之義衆郡也義衆卽今石柱

建武十一年岑彭等討公孫述破述將侯丹於黃石岑彭傳長驅入江關至江州留劉駿攻圍自引兵直

指墊江

卽今合州

述別遣侯丹拒黃石彭乃目墊江還江

州沂都江而上襲擊侯丹大破之

黃石卽橫石灘見灘險

建安十六年先主率萬人沂江西上所在供奉入境

姐歸至巴郡嚴顏拊心嘆曰此所謂獨坐窮山放虎

自衛者也先主由巴水達涪十九年諸葛亮張飛趙

雲等沂江降下巴東入巴郡趙雲自江州分定江陽
燧爲飛政巴西亮定德陽按今州境有鐵櫃城張爺
灘諸古跡

延熹十一年涪陵大姓徐巨反鄧芝討平之

晉咸甯五年伐吳王濬別遣參軍李毅將軍由涪陵入
取武陵會巴陵

太安二年三月羅尚討李雄遣督護張龜何冲左汜
等軍繁城而綿竹降涪陵民藥紳一作樂杜阿應尚

秋七月三蜀民流迸南入東下飢餓惟涪陵民千餘
家在江西依青城山處士范賢自守平西參軍涪陵

徐輿求爲汝山太守撫帥江西民與官犄角討雄尙
不許

太安二年李雄攻陷郫城蜀民皆保險結塢或南入
甯州或東下荊州城邑皆空野無烟火惟涪陵千餘
家依青城山處士范長生長生有名德蜀人重之案
二說大同小異或卽一旨了
年號有舛訛耳並錄以

永甯五年二月氏隗文反

文武共表巴

郡太守張羅行三府事羅治枳自討文於宮圻破降
之旋叛羅敗死 三府文武復共表涪陵太守向沈
行西夷校尉吏民南入涪陵

建興元年春向沈卒涪陵多疫癘各郡太守令吏共
推汶山太守涪陵盧維爲西夷校尉時中原旣亂拯
救無所顧望蜀郡太守程融等共率吏民北出枳欲
下巴東遂爲雄將所破獲

五月梁州刺史張光攻王如黨涪陵李運巴西王建
於盤蛇便作山疑其欲叛也攻破殺之

義熙三年劉豫使劉敬宣討譙縱敬宣入峽率舟師
由忠涪趨重慶遣別將出外水自帥諸軍出墊江入
年復命朱齡石等進討齡石至白帝仍由忠涪兼行
至平模敵出不意奔潰縱走死蜀平

齊中興元年涪陵王寶卷遣軍救郢州屯加湖

梁大寶二年宇文泰命尉遲迴襲取成都遣別將東略重涪忠夔以東皆爲西魏地

唐上元二年黃苧峽卽黃草峽獠賊結聚江陵節度請隸於江陵置兵鎮守

大歷四年瀘州刺史楊子琳作亂沿江東下涪州守提使王守仙伏兵黃草峽爲子琳所擒

開成三年牂牁蠻寇涪州之清溪鎮鎮兵擊却之

後梁乾化四年高季昌以夔萬忠涪四州舊隸荆南興兵取之不克

後唐長興初孟知祥與董璋合謀拒命石敬瑭等討之

不克董璋陷閬州遂畧涪合巴蓬果等州三年知祥復并東川

宋乾德二年王全斌等伐蜀劉光義克

地萬施忠涪開諸州是也

治平中熟夷李光吉梁秀等三族據板楯蠻地劫掠

邊民板楯七姓蠻唐南平獠也熙甯三年轉運使孫

國判官張說使兵馬司馮儀并簡杜安行圖之因進

兵復賓化砦平蕩三族以賓化砦爲龍化縣隸涪州

建榮懿扶歡二砦板楯在巴黔廣西湖南者槃瓠之後在夔賊閬果者獠君之後似真

徐種不同
無獠李特亂

又板橋今所謂犛頭虎子者也蜀向
以山谷洞中攘攘而出轉之漸大自為

大蟻始壤生
化蟻之類耶

開慶元年三月蒙古主蒙哥攻合州命其將紐璘造

浮橋於涪州之蘭市以杜援兵呂文德攻浮梁力戰

得重慶

端平二年蒙古命禡端等侵蜀四路悉被殘
破孟珙余玠相繼帥蜀僅保夔州一路及潼

川路之順慶瀘合西
有嘉定一庖而已

涪祐十入年憲宗自引兵由忠涪渡雞爪灘至石子

山督戰合州城下會師圍之

德祐元年冬張珩復瀘涪州遂敗元軍於重慶

張珩留合

州以抗元軍且遣師復瀘涪二州及元圍兵以
不合而潰珩乃得入城遣將四出元軍屢敗

景炎三年元軍入重慶張珏率兵巷戰不支歸索熈
飲不得乃順流走涪不花遣舟師邀之遂被執至安
西砦解弓絃自經死涪州守將王明不屈被害

元江德臣世顯子襲父爵爲總帥從入蜀將軍出忠涪
所向克捷

劉思敬至元八年授西川副統軍與宋臣戰于青城
宋兵大敗攻克嘉定瀘叙忠涪諸郡

至正十四年明玉珍以兵千人槩斗船五十泝夔而
上時青巾盜李喜喜聚兵苦蜀元義兵元帥楊漢以
兵五千禦之屯平西涪州平西屬右丞相完者都鎮重慶

明洪武四年正月征西將軍湯和率副將周德興廖永忠等以舟師由瞿塘進涪州趨重慶

天啟元年辛酉夏四月貴州土司奢崇明奉調入重慶巡撫王象乾至演武廳點兵給餉賊目張同以標一戕射殺象乾遂反城中大亂警報至涪署州牧胡公平表徒步入石柱效秦庭之哭土司官秦良玉率所部上援賊趨成都良玉入城安撫涪境獲安因立胡公祠城北祀之

崇正十六年癸未夏五月搖黃十三家賊遵天王袁韶四隊王友進必反王劉維明攻劫竊遊坪坪民爭

渡南岸避亂

八月庚寅官軍敗績於羅池竹山寺搖黃諸賊咸集
遵天王曰川東北寨硎僅存一二不若重慶渡江南
至叙馬可就食由是梁墊長涪大小硎寨皆被破積
屍盈路臭聞千里

十七年甲申春

正月

賊燒李渡鎮

分守道劉齡長遣兵勇百餘渡江哨

探遇賊殺傷過半

是年夔巫十二隘總兵曾英禦獻賊於萬縣湖灘二
月庚寅賊陷萬縣曾英退保涪州望州關又湖灘之
潰余大海走涪州